

ხოზის მუნიციპალიტეტის მეექვსე მოწვევის საკრებულოს ბიუროს სხდომისა

ქ. ხოზი

2026 წლის 30 მარტი

ბიუროს წევრთა კანონით დადგენილი რაოდენობა - 11

ბიუროს უფლებამოსილ წევრთა რაოდენობა - 11

ბიუროს სხდომას ესწრებოდნენ ბიუროს წევრები:

1. გოჩა ქაჯაია
2. მამუკა ქარდავა
3. დოდო გაბუნია
4. მედეა თათარიშვილი
5. ბექა მამაცაშვილი
6. ლევანი ლიპარტია
7. ვლადიმერ ქანთარია
8. მიმოზა ლემონჯავა

ბიუროს სხდომას თავმჯდომარეობდა გოჩა ქაჯაია – საკრებულოს თავმჯდომარე

**დღის წესრიგი:**

1. ხოზის მუნიციპალიტეტის მერის მოვალეობის შემსრულებლის რ. ზაქარაიას 2026 წლის 23 თებერვლის N50-502605460 წერილის განხილვა („ხოზის მუნიციპალიტეტის ქვემო ქვალონის ადმინისტრაციული ერთეულის სოფელ დურღენას ტერიტორიაზე არსებული N8 ქუჩისთვის გოგიტა ქარჩავას სახელის მინიჭების მიზანშეწონილობის თაობაზე“ განკარგულების პროექტის შესახებ);

(მომხსენებელი: ბ. მამაცაშვილი - ხოზის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე);

2. ხოზის მუნიციპალიტეტის მერის დ. ბუკიას 2026 წლის 26 მარტის N50-502608551 წერილის განხილვა:

- ხოზის მუნიციპალიტეტის მერისთვის მუნიციპალიტეტის საკუთრებაში არსებული ამორტიზირებული ქონების ჩამოწერაზე თანხმობის მიცემის შესახებ“ განკარგულების პროექტის თაობაზე;

- ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის უფლებით, (იჯარის ფორმით) აუქციონის წესით გადაცემაზე თანხმობის მიცემის შესახებ“ განკარგულების პროექტის თაობაზე;
- ხობის მუნიციპალიტეტის საკუთრებაში არსებული მოძრავი ქონების საპრივატიზაციო ნუსხის დამტკიცების შესახებ“ განკარგულების პროექტის თაობაზე.

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

**კენჭისყრის შედეგები:**

**მომხრე - 8, წინააღმდეგი - 0**

**დაადგინეს:** დღის წესრიგი დამტკიცდეს წარმოდგენილი სახით

### **დღის წესრიგით გათვალისწინებული საკითხების განხილვა**

1. ხობის მუნიციპალიტეტის მერის მოვალეობის შემსრულებლის რ. ზაქარაიას 2026 წლის 23 თებერვლის N50-502605460 წერილის განხილვა („ხობის მუნიციპალიტეტის ქვემო ქვალონის ადმინისტრაციული ერთეულის სოფელ დურდენას ტერიტორიაზე არსებული N8 ქუჩისთვის გოგიტა ქარჩავას სახელის მინიჭების მიზანშეწონილობის თაობაზე“ განკარგულების პროექტის შესახებ);

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე)

**მოისმინეს: ბ. მამაცაშვილი** - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის ქვემო ქვალონის ადმინისტრაციული ერთეულის სოფელ დურდენას ტერიტორიაზე არსებული N8 ქუჩისთვის გოგიტა ქარჩავას სახელის მინიჭების მიზანშეწონილობის თაობაზე“ და კომისიის დასკვნა განსახილველ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, მერიაში შევიდა ქვემო ქვალონის ადმინისტრაციული ერთეულის სოფელ დურდენას მოსახლეობის ერთობლივი განცხადება, სოფელ დურდენას ტერიტორიაზე არსებული N8 ქუჩისთვის გოგიტა ქარჩავას სახელის მინიჭების შესახებ. მათი განმარტებით გოგიტა ქარჩავა დაიბადა 1987 წელს, იგი გამოირჩეოდა მაღალი პასუხისმგებლობის გრძნობით, სამშობლოს სიყვარულით და განსაკუთრებული

პიროვნული თვისებებით. იყო წარჩინებული მოსწავლე, სკოლის დამთავრების შემდეგ მსახურობდა სამხედრო სავალდებულო სამსახურში, რაც დროსაც განხორციელდა რუსეთის მხრიდან საქართველოზე თავდასხმა 2008 წელს, გ. ქარჩავა ამ ომში გმირულად დაიღუპა, ხოლო გარდაცვალების შემდეგ დაჯილდოვდა მედლით „მხედრული მამაცობისთვის“. წარმოდგენილი წინადადება კანონმდებლობით გათვალისწინებული პროცედურების დაცვით, შესწავლილ იქნა საკრებულოს ინფრასტრუქტურისა და სივრცით-ტერიტორიული დაგეგმარების კომისიის მიერ, აღნიშნულ საკითხზე მოსახლეობასთან ჩატარდა საზოგადოებრივი აზრის გამოკითხვა და მიღებულ იქნა ერთობლივი გადაწყვეტილება ხობის მუნიციპალიტეტის ქვემო ქვალონის ადმინისტრაციული ერთეულის სოფელ დურდენას ტერიტორიაზე არსებული N8 ქუჩისთვის გოგიტა ქარჩავას სახელის მინიჭების შესახებ. წარმოდგენილი განკარგულების პროექტის მიღების შემდეგ საკითხი თანდართულ დოკუმენტაციასთან ერთად საბოლოო გადაწყვეტილებისთვის გადაიგზავნება გეოგრაფიული ობიექტების სახელწოდებათა დადგენის, ნორმალიზების, გამოყენების, აღრიცხვისა და დაცვის მიზნით, გეოგრაფიული ობიექტების სახელწოდებათა სფეროში მოქმედ სამთავრობო კომისიაში. გამომსვლელის განცხადებით, წარმოდგენილი განკარგულების პროექტი მომზადებულია საქართველოს კანონმდებლობის მოთხოვნების დაცვით და კომისიას მიზანშეწონილად მიაჩნია მისი გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 8, წინააღმდეგი - არც ერთი**

**დაადგინეს:** წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის დ. ბუკიას 2026 წლის 26 მარტის N50-502608551 წერილის განხილვა:

- ხობის მუნიციპალიტეტის მერისთვის მუნიციპალიტეტის საკუთრებაში არსებული ამორტიზირებული ქონების ჩამოწერაზე თანხმობის მიცემის შესახებ“ განკარგულების პროექტის თაობაზე;

- ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის უფლებით, (იჯარის ფორმით) აუქციონის წესით გადაცემაზე თანხმობის მიცემის შესახებ“ განკარგულების პროექტის თაობაზე;
- ხობის მუნიციპალიტეტის საკუთრებაში არსებული მოძრავი ქონების საპრივატიზაციო ნუსხის დამტკიცების შესახებ“ განკარგულების პროექტის თაობაზე

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე)

**მოისმინეს: ვ. ქანთარია** - მომხსენებელმა ბიუროს წევრებს გააცნო განკარგულების პროექტები: „ხობის მუნიციპალიტეტის მერისთვის მუნიციპალიტეტის საკუთრებაში არსებული ამორტიზირებული ქონების ჩამოწრაზე თანხმობის მიცემის შესახებ“, „ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის უფლებით, (იჯარის ფორმით) აუქციონის წესით გადაცემაზე თანხმობის მიცემის შესახებ“ და „ხობის მუნიციპალიტეტის საკუთრებაში არსებული მოძრავი ქონების საპრივატიზაციო ნუსხის დამტკიცების შესახებ“ კომისიის დასკვნებთან ერთად (ოქმს თან ერთვის) და აღნიშნა, რომ 1) მერიის განმარტებით, მუნიციპალიტეტის მერიის ეკონომიკური განვითარებისა და ქონების მართვის სამსახურმა შეითანხმა მუნიციპალიტეტის მერიის მუდმივმოქმედი საინვენტარიზაციო კომისიის მიერ შესრულებული სამუშაოს შედეგები და „ხობის მუნიციპალიტეტის ადგილობრივი თვითმართველობის ორგანოებისა და ხობის მუნიციპალიტეტის მიერ დაფუძნებული იურიდიული პირების საკუთრებაში არსებული ინვენტარიზაციისა და ამორტიზირებული ან/და გამოუყენებელი ქონების ჩამოწრის და მის შედეგად მიღებული ქონების განკარგვის წესის დამტკიცების შესახებ“ ხობის მუნიციპალიტეტის საკრებულოს მიერ 2022 წლის 29 დეკემბერის N26 დადგენილების საფუძველზე, წარმოდგენილ იქნა 2025 წელს ჩატარებული ინვენტარიზაციის შედეგად გამოვლენილი ამორტიზირებული და ექსპლოატაციისთვის უვარგისი ჩამოსაწერი ძირითადი საშუალებების ნუსხა, რომელიც სრულად არის ამორტიზირებული და მათი ნარჩენი ღირებულება ნულის ტოლია, რაზედაც ასევე წარმოდგენილია აუდიტორული დასკვნები. ზემო აღნიშნულის საფუძველზე მერიის მხრიდან მომზადდა განკარგულების პროექტი „ხობის მუნიციპალიტეტის მერისთვის მუნიციპალიტეტის საკუთრებაში არსებული ამორტიზირებული ქონების ჩამოწრაზე თანხმობის მიცემის შესახებ“. 2) მერიის განმარტებით ქალაქ ხობში სპორტის ქუჩაზე მდებარე ყოფილი „გარაჟების“ ტერიტორიაზე 33 კვ.მ ფართის (ს/კ 45.21.25.025) იჯარის ფორმით აუქციონის წესით გადაცემაზე მერიაში შესულია დაინტერესებული პირის განცხადება. გამომდინარე

იქედან, რომ აღნიშნული ფართი არის დაუტვირთავი მერის მიზანშეწონილად მიაჩნია მისი სარგებლობის უფლებით იჯარის წესით, აუქციონის ფორმით გადაცემა ორი წლის ვადით, რაზედაც წარმოდგენილია განკარგულების პროექტი „ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის უფლებით (იჯარის ფორმით), აუქციონის წესით გადაცემაზე თანხმობის მიცემის შესახებ“. 3) მერიის განმარტებით მუნიციპალიტეტის საკუთრებაში ირიცხება ისეთი სატრანსპორტო საშუალებები, რომლებიც ამორტიზირებულია, კერძოდ „NISSAN XTERRA“ და „HYUNDAI“. „NISSAN XTERRA“ შეფასებულია აუდიტის მიერ 7600 ლარად და პრივატიზებულ იქნება, როგორც სატრანსპორტო საშუალება, ხოლო „HYUNDAI“-ის მარკის სპეციალიზებული მანქანა პრივატიზებულ იქნება ჯარტის სახით - 990 ლარის ღირებულებით, რაზედაც წარმოდგენილია აუდიტორიული დასკვნები. საპრივატიზებო ნუსხაში მერიის მხრიდან ასევე შეტანილია ობიექტების რეაბილიტაციის შედეგად მიღებული მეორადი შერეული მეტალის მასალები ჯარტის სახით, 16850 კგ-ის წონის ოდენობით და 7582 ლარის ღირებულებით. ზემო აღნიშნულის საფუძველზე მერიის მხრიდან მომზადდა განკარგულების პროექტი „ხობის მუნიციპალიტეტის საკუთრებაში არსებული მოძრავი ქონების საპრივატიზაციო ნუსხის დამტკიცების შესახებ“. გამომსვლელის განცხადებით, წარმოდგენილი განკარგულების პროექტები აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მათი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ შენიშვნები მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 8, წინააღმდეგი - არც ერთი**

**დაადგინეს:** წარმოდგენილი განკარგულების პროექტები შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



გოჩა ქაჯაია